

詩

青  
城  
集  
一







青城集序

寅永先祖父文翼公嘗使適  
曰東矣幙府賓從號稱當時  
之選然余能逮及者惟徐大  
將軍有大任節度屹元含川



重舉與成青城諱大中耳徐  
大將軍貌魁梧音吐洪亮疑  
然有山嶽不可拔者任節度  
如埜空恂二而尚氣節竟不  
可壹世元玄川喜言訕薦於



故舊每酒酣輒感慨下淚而  
青城之風流文采即又神僊  
中人皆余幼少時耳目覩記  
而忽二五十年矣嗚呼世復  
有髣髴此典型哉雖然余所



最習者青城也青城美容儀  
善談論方其神逞意決傾倒  
淋漓纒二數十百言根柢六  
經揔括百家而和易之氣弘  
長之韻又足使聽之者自然



樂而忘疲余雖不才猶能識  
文章家各此門路青城之餘  
也竊謂文載道也詩言志也  
欲載其道欲言其志則自有  
當然之則不易之理不容人



私智曲見穿鑿作爲故夫子  
曰辭達而已矣書曰辭尚體  
要達者通也體要者典重也  
捨此它求非所聞也青城之  
言曰古文簡而奧今文俚而



晦古文質而腴今文華而枯  
又曰聚材博而用之約會竟  
實而施之虛取辭險而脩之  
夷鍊字奇而安之馴又曰文  
謂之文詩謂之章詛文不備



未可謂文章也又曰古文所  
禁者三稗史也語錄也俚諧  
也三者不去古文不可復也  
以此平昔所論味其旨意豈  
所謂達與尚體要者兆耶青



城用文章最受

正廟恩顧嘗賜之

御評曰

醇<sub>二</sub>也者正而不駁也爲文

章正而不駁亦可矣青城所

著述甚富其胤研經齋海應



約爲十卷將入梓未就而歿  
其孫憲曾於持衰中成其志  
問序於余二淺學也何能於  
前輩有秤量也其托名不辭  
吝槎上誼也



上之六事庚子六月大匡輔  
國崇祿大夫議政府右議  
政兼領經筵監春秋館  
事豐壤趙寅永撰



1



青城集目錄卷之一

詩

亭淵阻雨 三首

安東次映湖樓板上韻

朝陽樓月夜與南時韞 玉聽妓樂 三首

和時韞劒舞詩韻

贈東京琴妓英梅

解纜詞用三淵金先生韻 二首

舟中雜詠用放翁記行韻 二首

登西福寺次辛卯從事李南岡 邦彥韻



馬州雜詩次二王宮詞韻

四首

又次劉夢得韻

六首

續次張文昌韻

六首

向壹岐島用已亥錄中韻

上船鴟尾折垂危幸而獲濟書以志喜

用放翁韻

藍洲舟中次劉長卿韻

二首

次常建韻

二首

敬次上使永湖趙公

曦

四重體

忠海放舟至韜浦次岑嘉州絕句

二首



箱根嶺

天龍川

大坂雜詠用湯若士韻

四首

竈關舟中用陸放翁韻

二首

芳浦口縱船用三淵韻

送多大浦李僉使

海文二首

和榮川太守五黜金公

百鍊

見示韻

二首

縣東湖天鵝爲羣風高月明聲益清絕

敬謝雪村白丈

師殷

醉題



淡翁徐侍郎

命膺

謫官甲山遙申別意

二首

李平瑞

奎緯

入臺言事遠謫海島未幾宥還近

住具氏郊亭有詩却寄

步三淵贈朱古坡韻

丹丘道中

三月十一日辛丑約丹室閔公

百順

龍村林公

配屋

會于蟾洲金遲齋先生

煖

宅十四日溯

洄于汶巖乘月而返宿金正則

載均

所拈唐

人韻共賦

用別韻

二首



上丹室

見醉雪翁柳公

迺

書信筆書奉

官樓漫書

追和蟾洲軸中韻

寄贈龍村林伯厚

奉呈丹室

聞申翊卿

塋

客遊湖營却寄

龍村贈詩以爲同甫之救世不如洞賓之逐世

意盖有所屬也因其意而廣之仍以自道

雨中與閔百憲

周翰

用唐韻共賦



召公臺見鬱陵島

寄呈傲窓金益文炯

寄贈閔大胤百祚

瀛洲沈伯天普觀命駕委訪用其韻

用放翁韻別伯天

用舍翠洪學士秀輔韻詠兼堂雅集圖

用伯天贈尹生東憲韻燈下共賦

伯天滯雨相守用唐韻共賦

雨中懷玄川元子才重舉用唐人韻

秋夕懷蟾洲諸公



寄贈舍弟士振大集

縣齋漫書

贈李和叔

春馥

寄李平瑞

手寫和靖詩集敬呈丹室兼以三律致意

奉和退石金公

仁謙

謝舍翠學士寄示

寄謝李微之

彥五

題點易軒紅梅

與林伯厚期會浮石寺用唐韻



出竹津和伯厚 二首

夜話

夜與伯厚用唐韻 二首

十筆助李平瑞抄史之役

奉別峴山使君滄洲黃公 最彥

用大胤韻寄卓異山人安叔華 錫微

與真珠伯徐公 魯修 及閔大胤至會江亭 二首

讀漢紀有感

李生顯章自陟州來訪旋復告歸 二首

敬呈丹室 二首



酒泉臺會諸生用梅月堂韻

竹西樓與閔大胤用三淵韻

泛舟用三淵韻 二首

縣齋用三淵韻 二首

和卓異山人韻

寄卓異山人

眞珠官齋用明人韻

孟方歸路望海用杜韻

陟州旅舍同李和叔用杜韻

用李頎韻



官齋用唐韻贈徐漢之

有升二首

限韻

舟中用唐韻

觀打魚

凌波臺用明人韻

羽溪浦村次三淵韻

疊和卓異山人

二首

敬寄丹室

和卓異七篇逐篇和意

真珠官舍呈常窩李丈

敏輔



又用三淵韻

敬和遲齋先生韻

又和真珠丈人

吉祀後赴原州和葉下權公著

嚴贈行韻二首

和題柯山李汝朝

崇光

雙楓軒

睡罷

吏道歎

偶書

雨中與公著拈韻

敬次梅磎李公

世杭

分屬韻二首



入城滯雨不出巷雨止即返和梅丈葉下屬意

之作

洪奉朝賀

重孝挽三首

寄元子才

還家有吟

宿奉先寺贈雲坡師

宿豐壤襟流軒呈主人常窩李公

梅谷丈與芝溪宋德文

載道

會賦送其韻要和

從梅谷丈浣溪徐公

有常

葉下及徐幼文

有章

觀獵三宿乃返和葉下韻



上元日候永湖公元子才同往拈韻賦呈

謝楸谷李丈

宗翰惠酒

偶吟

元子才暨趙文源

德洵

作金剛之遊歷宿樊廬

與入永平觀白鷺洲用李白韻

梅谷丈枉宿有屬意之作敬此和呈

月夜懷東游二子







青城集卷之一

昌山成大中士執 著

詩

亭淵阻雨

平蕪急漲欲無邊  
清濁滄浪一混然  
夾岸村童爭絕  
叫衰翁多力獨撐船

其二

科頭箕踞是何官  
剩被兒童拍手看  
盡日虛舟松下  
繫風波自定使君灘

其三



栢谷村家不可忘春風移席百花香文章故宅應生  
色雨洗青山水滿塘

安東次映湖樓板上韻

仙槎滯水府河漢轉高秋上客青衫冷佳人翠黛愁  
繡幕蟲聲切花毼月色浮諸公興不淺先我上南樓

朝陽樓月夜與南時韞

玉

聽妓樂

南鄉秋色似邊頭征馬歸鴻一一愁十二欄干明月  
夜嬌歌誰唱古涼州

其二

陽關三疊女娘歌月落燈殘奈爾何脉脉官樓今夜



短明朝悵望隔山河

其三

勞歌催發木蘭船  
看取檣頭百丈懸  
此去重溟空一夢  
行雲那到橘花天

和時韞劒舞詩韻

黃昌弟子越南多  
慣誦花溪劒器歌  
瑤瑟夜闌驚破竹  
繡裳秋冷怨凋荷  
魚龍側畔輕身出  
霜雪中間信手過  
琴調尚畱燕客恨  
海山東望意如何

贈東京琴妓英梅

伽倻山水入絃長  
楓荻秋江月未央  
彈作湘君斑竹



怨二更雲海鴈聲涼

解纜詞用三淵金先生韻

初月東城掛半環六帆齊揭渺茫間  
三絃始奏開洋曲獵獵神飈起釜山

其二

急迅輕跳一任波孤舟不辨水宗過  
蠻人拍手韓人笑齊倚舷頭快放歌

舟中雜詠用放翁記行韻

疎才承乏聖明時滄海東頭一芥微  
鮫淚流香花筆潤蚌胎呈暈彩船圍冠裳照水文章爛笳角臨風



律呂飛不是孤舟迷歇泊天書未授敢懷歸

其二

灣回港抱失東西炎瘴侵人似五溪懸纜露深冬柏  
亞高檣風迅夜烏啼爐中藥轉持燈照枕上詩圓信  
手題只喜鍾期隨處遇琴心長與海山齊

登西福寺次辛卯從事李南岡

邦彥韻

祇林一角納層溟十月丹花落滿庭尚識南岡題壁  
處香燈畱照佛前經

馬州雜詩次二王宮詞韻

水府橙杉鎖幾重龜巖一面削芙蓉漫天雷雨無時



過十月洋心戰黑龍

其二

島民衣服雜龜鼈生長眠殄半在濤棕網銅叉漁打  
慣輕舟平過水宗高

其三

朝曦夕暈互瞳瞳十二時鐘散海風一幅湖山歸管  
領紫衣僧坐萬松中

其四

酌菴長老小幢紅三使筵前坐向東昨送詩函渾硬

澀自家猶說月心風

月心已亥使  
行時酌僧也



又次劉夢得韻

綠纓槍尖紫展旗平家酋長見賓時從人恰似元央  
陣部伍雙雙不暫離

其二

奉行三請使臣來儉席儀觀習幾回却怕廂娥多聒  
鬧繡屏深閑不教閑

其三

三隻金船滿縷花護行旗字向南斜平家小子榮華

盛好逐仙槎到爾家

江戶有島主家

其四



平源家閥最芬華繡錯腰刀競鬪奢大小官員俱世

襲一生驕卧滿園花

平源藤橘日本四大姓也

其五

酒屋高低壓海濱紫花諸白別藏春蠻婆亦解朝鮮

禁不敢持杯喚客人

紫花諸白皆日本佳酒名

其六

蜻蜓小舶點回波時學韓人緩放歌自喜侬糧堪久飽筑前州裏賣魚多

續次張文昌韻

棕陰石氣綠沉井竹引泉來不用綆厨子生嗔人足



慵桶中朝汲少清冷

其二

黃頭浪子制舷疎雨裏漂搖逐駭鳧認得前宵風湧  
急朝來驚拾入舟魚

其三

文章彈壓白龍宮摘盡明珠水暈空吏部雄詞畱物  
色夜闌牛女正當中

是夜共賦大海  
聯句次南山詩

其四

空庭落葉亂粘泥履屐相過竹塢西愁對南枝寒月  
白越鳥何意近人啼



其五

新羅絃管恨悠悠明月幽篁海外秋  
界面調歌堪快

聽客歸惟許趙君留

副使船趙昌  
迪善歌者

其六

西山巾拂溯玄風永夜疎鐘出萬松  
滄海羈愁何日  
了壹岐前路復千重

向壹岐島用己亥錄中韻

泠泠風馭復憑虛積水東南信所如  
使節前窮河漢  
渚文星橫犯斗牛墟長虹忽訝噓樓蜃  
急雨頻驚跋浪魚  
慣識天公淹育意此中還復有人居



上船鴟尾折垂危幸而獲濟書以志喜

瑤函咫尺心懸上价冠裳出日邊忠信平生如白水安危到處有蒼天已知定力風波界願致餘憂寵辱年欲識羣神扶護意瑞霓鴟尾忽穹然

用放翁韻

重茅片木葺成廬小島青煙點里閭幡廟舊神添炷  
賽武州新禁列牌書宗酋氣壯輕肥筑桂釋官尊擁  
碧驢一任狂飈掀夜枕蓬窻睡到日光舒

藍洲舟中次劉長卿韻

梅窻春色海中央鄭老遺蹤隔水香漫詠藍洲詩十



景博津煙雨獨悲涼

麗時圃隱使日本被拘於博多津久而得返

其二

松村部落雜田園江水東來不見源  
五島橫羅沙作岸萬峰低挿海爲門

次常建韻

控海羣巒似列營雄關最說赤間城  
新羅武略差強意刑馬臺前舊耀兵

其二

五夜疎燈明客帆半洋陰雨過春陽睡  
翁記裏餘孤憤方信寒儒足熱腸



敬次上使永湖趙公曦四重體

茫茫浩浩海雲東  
落落巍巍使者風  
看取桃都春色  
早上林花木幾枝紅

忠海放舟至韜浦次岑嘉州絕句

東風拍拍大檣頭  
日出行舟夜未休  
白露澄湖無限  
景何如牛渚月明秋

其二

紅燈閃射衆星殷  
點點蜻絲水面斑  
空渚忽聞清磬  
落蠻工道是海潮山

箱根嶺



車箱路入萬重山初度源家第一關二歲行裝溟嶠  
外三州形勝武河間佛靈小闢幽篁靜龍氣深蟠大  
澤閒八葉芙蓉常左顧白雲微破富岑顏

天龍川

十里平郊滿夕陽龍川春水繞林長筠籠貯石防頽  
岸鐵鎖連船架遠梁小店茶餽隨地潔佳人珠翠滿  
洲香春天忽訝秋聲到樹樹鳴蟬送客忙

大坂雜咏用湯若士韻

浙船閩檣到海涯絨絲纜泛刺桐花南都秘籍來三  
部盡入長碕太守家



其二

七尺鋼刀百鍊成  
雙鈎如月夜中行  
空橋僻處逢人試  
橋下驚波颯有聲

其三

奸門利竇劇逶迤  
畫角聲催曉色遲  
白柄刀頭驚赤

血館中喊殺黑衣兒

以下記鈴木傳藏賊殺崔天宗事

其四

垣軍五百出關多  
步步旗亭簇網羅  
借使傳藏生羽

翼不教飛渡小濱河

大坂有垣外者司緝捕之任於是發垣外五百各執棒杖物色

傳藏獲

于小濱



竈關舟中用陸放翁韻

內海西來一坦途，淺爲灣瀨浸成湖。  
烏棲檣上常招伴，雞在船中自養雛。  
漸就慵疎由禮簡，盡淘查滓覺身癯。  
帆風乍弱催牽纜，打竹蠻郎隔水呼。

曳船者打竹片令衆

其二

郵籤日日報長途，準擬今朝了內湖。  
雨浥榴花移稻種，水沉楊葉幻魚雛。  
海山不負煙霞癖，炎瘴寧侵木石癯。  
艣後艣前皆睡倒，篙師桴鼓獨喧呼。

芳浦口縱船用三淵韻

鰐浦名猶惡，鮮人骨尚寒。  
煙沉驚火港，浪湧覆舟灘。



畏道難輕過忙心易錯看上公偏慎重悄倚夕陽欄

送多大浦李僉使 海文

蒙衝閒繫石城陽僉使營高碧海長教罷佳人雙劒

舞西風一嘯踞胡床

其二

今人不識尹將軍戰地蒼茫但水雲大石要張忠勇

氣教君城角一揮斤

尹興信以多大僉使死於壬辰亂興信父任興信兄弟五人三

死乙巳之禍二則以稚免又盡死於兵亂慘矣鎮無彰烈之碑識者傷之

和榮川太守五黜金公 百鍊 見示韻

白露蒹葭擁夕洲江湖還有散人憂芭蕉葉瘦涼生



院菡萏花殘雨滿樓孤夢屢逢天下士薄遊偏在嶺  
南州官醪社飯猶同樂禾稼初成百里秋

其二

夫子從西海重悲南國秋短符淹日月矮屋託松楸  
野色侵書潤星芒瀉峽流郵筒遙致意差慰碧雲愁  
縣東湖天鵝爲羣風高月明聲益清絕

湖南湖北雪飄零有鳥羣居一水明十里菰蘆同鴈  
宿五更風雨和雞鳴低飛未害翎毛濕高警應緣飲  
啄清獨喜仙鳬相絆住苔磯長結歲寒盟

敬謝雪村白丈

師殷



南村籬落北山松  
省識吾鄉長者風  
直爲潛心繁露學  
終教吐氣少年叢  
暫趨華省官仍冷  
頽卧窮廬客不空  
拔薤良規要請益  
忽驚身在海天東

醉題

歲時燈火水東西  
官鼓蓼蓼曉夢迷  
柳眼漸看含雪潤  
海聲微覺入春低  
漁舟月隱銀鱗躍  
菰渚風輕錦翼齊  
白傅餘杭何足羨  
湖居兼有若耶溪

淡翁徐侍郎

命膺

謫官甲山遙申別意

乞身未遂東岡志

承譴翻爲北塞行

豈是君恩

疎直道祇應天意慰  
遐氓鬼門三度丹  
心耿神澤重



臨白髮明雷雨春來僮馬返水亭魚鳥佇尋盟

其二

咸關嶺上雪嵯峨我記昔炎天匹馬過胡地北臨荒磧  
暗帝鄉南望彩雲多漁樵暫失幽人約絃誦翻登  
壯士歌更喜涪江重得力易書盈篋待編摩

李平瑞

奎緒

入臺言事遠謫海島未幾宥還近

住具氏郊亭有詩却寄

耽書真覺素心安涉世方知晚節難正待一行深得  
力豈徒千里勸加餐耦畊原上蘭芽茁偕隱山中桂  
樹團想見湖庄春水濶白鷗無數到危欄



步三淵贈朱古坡韻

竹擁藏書塾花深祭酒家門闌忠孝後鄉社水雲涯  
蔚島延朝旭桃源醉晚霞小軒文藻歇惆悵古梅槎  
丹丘道中

江南春晚子規啼雪水盈盈蘸遠隄野渡移舟蒼壁  
聳溪橋停馬白雲迷漁樵一徑藤蘿合煙火千村耜  
耒齊酒熟丹丘添逸興杏花深處角巾低

三月十一日辛丑約丹室閔公

百順

龍村林公

配座

會于蟾洲金遲齋先生

煖

宅十四日溯洄

于汶巖乘月而返宿金正則

載均

所拈唐人韻



共賦

長松古渡繫舟頻  
水色山光到眼新  
酒席相將湖海氣  
野亭分占鳥花春  
祇應林下同携易  
未必隆中獨有人  
認得沙汀顏卧久  
醉痕偏上接羅巾

用別韻

伐木丁丁江上山  
長松之下老蒼顏  
晴花古壁携朋去  
春水孤舟載月還  
奇氣每瞻樽酒際  
大心今試鳥魚間  
羲經更有遊神地  
畱待先生講席閒

其二

桃花花開滿小山  
春風相對酒中顏  
江湖渺渺公方



隱風雨冥冥客未還但得襟懷空海內不妨來去或  
人間經床藥几凝神坐盡日疎簾鳥語閒

上丹室

丹臯春水照心清想見孤舟盡日橫仕或爲貧聊適  
意隱非忘世只藏名槐陰凭几江雲迥竹塢彈琴海  
月明安得致身書幌裏一編義易了平生

見醉雪翁柳公

迺

書信筆書奉

茅君家世道緣奇秋水精神野鶴姿病起門深芳草  
色詩成月在古松枝圖書小築堪容膝衣食閒愁不  
上眉醉後相思關嶺濶海棠花外日斜時



官樓漫書

一官長結海山緣湖上閒遊已兩年野性自甘隨鴈  
驚樓居人或比神仙綠槐陰下苔生印紅藕花間月  
滿船除却吟詩無一事醉仍長嘯倦仍眠

追和蟾洲軸中韻

道以朋來驗先生註易新片言真有契一氣自如神  
江濶前宵雨花深上峽春無端塵刹役重絆入山人  
寄贈龍村林伯厚

疎梅癭鶴對傳神傾蓋當時願卜隣一笑江頭花滿  
樹相思天末月橫津煙霞上峽多觴詠雞黍南村互



主賓湖裏扁舟容自放先須縱眼大瀛濱

奉呈丹室

清心樓下月娟娟宛在中流興渺然白露蒹葭秋水  
上晴湖荷桂海雲邊吏情今屬忘機客吾道終歸避  
世賢不妨除書爐外到丹砂自在葛洪川

聞申翊卿壁客遊湖營却寄

梁園消息海山重秋雨官齋聽夜蛩一郡荆榛愁未  
剪衆香雲月失相從栽花不厭叢生菊愛樹偏依獨  
立松等是貧窮寧守拙莫教荷芰變初容

龍村贈詩以爲同甫之救世不如洞賓之遯世



意蓋有所屬也因其意而廣之仍以自道

使我真爲救世才猶應退卧水雲隈雄雌白黑隨天  
分犧象青黃辨物災梁甫人亡孤嘯過岳陽仙去倦  
吟迴疎疎忽忽今何狀湖海秋生草木哀

雨中與閔百憲

周翰

用唐韻共賦

竒絕遙峰手版前半簾疎雨坐超然芙蓉湖濶畱仙  
舫楊柳風微颺篆煙救世何由迴古法休官不必待  
衰年與君重結尋真約明月閒雲五十川

召公臺見鬱陵島

三峰竦秀海中央宛有神人遠放光雲氣渺冥常自



隱秋空開豁忽相望靈山一面曇花現金闕千重蜃  
氣翔只向塵間招妄想青童去路月茫茫

寄呈傲窻金益文

炯

萬事如今一浩吟先生胡乃不平音亦知罪我因懷  
壁猶有同人耦斷金松桂窮山秋氣潔龍蛇大澤雨  
聲深何由更續南村會黃菊籬邊秫酒斟

寄贈閔大胤

百祚

彼姝者子不能忘官柳蟬聲帶夕陽翠柏高雲迴遠  
岫白蘋疎雨過橫塘琴因入海新添韻菊爲悲秋剩  
吐香兩地襟懷遙可識淵明真率牧之狂



瀛州沈伯天

普觀

命駕委訪用其韻

白驢孤入海山東官閣迢迢夕照紅錦里寒花應宿  
雨鏡湖仙帆又秋風襟期一許評詩後眉宇相看把  
酒中永願從君鷗鷺社幽盟證以草堂翁

用放翁韻別伯天

荷桂秋光一郡多送君南浦悵如何槎州鶴夢將雲  
迥鏡浦鱸腮上水磨志士寧愁霜後褐歸驂難駐雨  
中簑飄然遠別無他贈黃石遺書白石歌

用舍翠洪學士

秀輔

韻詠兼堂雅集圖

藤牋倒射白毫光萬里携歸別有香清月秋懸藏畫



舫暖花春滿蓄書房鴻魚信息經三歲霜露江湖渺  
一方半幅縹緗隨處在海山今擬製琴囊

用伯天贈尹生

東憲

韻燈下共賦

夫子關東道義肥春風吾亦詠而歸桃花流水頻移  
艇桂樹深山獨掩扉易註將成年已耄天機方熟思  
還微四方遊學知君意須向梅窩早攝衣

伯天滯雨相守用唐韻共賦

所謂伊人夢裏悠暮雲滄海一虛舟清宵鴈叫楓湖  
月涼雨花殘錦石秋對壘相推知道馬掛書還策出  
關牛江城知有南村會詩社幽期屬隱侯

右懷  
大胤



雨中懷玄川元子才

重舉

用唐人韻

扶疎野態強名官  
柳市東頭菜畝寬  
忙處方知閒處好  
說時須念做時難  
夜深庭院偏生響  
秋半槐梧特作寒  
千里相思雲水地  
海槎猶記隔年歡

秋夕懷蟾洲諸公

中林風雨過山菊  
半開花把酒千峰  
外懷人一水涯  
日斜黃犢岸秋淨  
白鷗沙共是忘機  
客漁舟野渡賒

寄贈舍弟士振

大集

三霜一別坐爲官  
風雨深樽強自寬  
永夜寒聲遶海遠  
故園秋夢度關難  
茱花在手佳辰近  
蕉葉當庭白



露寒獨送親輿千里返美君長作彩衣歡

縣齋漫書

天下本無事庸人撓之耳此道誰爲傳去去無窮已  
若使門如市卽得心如水清淨無爲治吾師老聃氏  
掃地焚香坐悠然惟有青山入戶裏月出秋空淨無  
雲蒼茫鴈叫蘆花渼

贈李和叔

春馥

桃源居士陟州遊弊布單衣雪滿頭濁酒寒花滄海  
夕白雲紅樹故鄉秋山中道友橫經俟湖上仙官掃  
榻求寥落空山聞絕唱簫聲初發雨中樓



寄李平瑞

鷺梁祠下濯君纓木落天高江水清是處偏宜賢士  
隱前人最愛直臣名窮秋鴻鴈多湖墅永夜星辰繞  
漢城野渡尚看波浪濶釣船須近淺沙橫

手寫和靖詩集敬呈丹室兼以三律致意

陶韋遠矣宋無詩幸有逋仙一振之用事不過梅鶴  
侶玩情長在水雲湄湖鄉真逸同徐孺文苑孤清有  
伯夷一幅傳神猶可證暗香畱着月橫枝

其二

桃花流水翠屏春尚憶仙舟共問津放鶴相期叢桂



所盟鷗兼有姓林人詩家妙品知同好湖社神交似  
並鄰敬爲先生書一帙海山秋雨潤毫新

其三

蠻牋如雪自生花荷桂秋光點點斜放筆試依玄宰  
法封函遙送白雲家蒼苔濁酒重陽後明月孤篷一  
水涯願得高文編卷首並教愚拙藉光華

奉和退石金公仁謙

槎上風流曠世遭每因心醉忘形勞海山如畫揮毫  
盡蛟鰐羣嬉倚枕高老去婆娑偏北署愁來吟嘯卽  
東臯楓岑蠟屐從公後吾友元生亦一豪



謝舍翠學士寄示

在野方知學士賢不妨門外索租錢  
梅花對影三間屋藹蔓流香半畝田  
松菊壺觴惟愛日江湖憂樂一  
聽天傳經抗疏隨君意裘馬長安足少年

寄謝李徽之

彥五

我有東坡病君如與可規疎狂招世謗  
傾倒受人欺快處須停辯逢場合認詩  
一言堪下拜吾友信吾師

題點易軒紅梅

獨持清節向誰誇宜爾幽根托此家  
夫子文章惟有易一陽消息可無花  
煙霜萬木承朝旭山水孤村送



歲華戰盡窮陰方得意煩君莫歎髩絲斜末句屬傲窻

與林伯厚期會浮石寺用唐韻

金銀照耀祖師臺一柱門前夕影開南國雨晴春未  
半上方鐘動月初來羣山漠漠新羅盡獨鶴依依小  
白迴砌石縱橫如活畫居僧猶詫役神才寺有一柱門

出竹津和伯厚

客似曇花見最遲海天明月詠歸時仙鳬東洛曾孤  
徃神馬南州忽遠馳會處只應同爛漫來時不妨少  
參差竹津雲水無窮變邨及先生歇後詩

其二



滄溟如是觀豪士不須才獨鶴摩天去頽雲捲地來  
道猶蠻觸戰仙亦螻蛄哀一笑蒼茫外孤懷待子開

夜話

看盡人間萬軸書却從湖海問仙居野鹿相呼春寂  
寂沙鷗對睡雨疎疎聖窟清飈淵老後白山靈氣格  
菴餘及歸花發黃驪岸明月孤舟信所如

夜與伯厚用唐韻

卿家至行勝於文伯也爲龍季氏雲只有淮南容大  
隱肯教徐孺作徵君風流恨未湖邊遇聲氣徒從海  
上聞自是儒門招未盡鳳歌初亦怨離羣



其二

花溪詩律子長文秋水將窮便起雲天下有人窺此  
會江東微我屬之君遙峰對牖清無敵微雨連宵靜  
不聞便欲移家湖上住孤山一鶴永爲羣

十筆助李平瑞抄史之役

勁毫一束貯雲煙寄送西湖水竹邊在野君猶修史  
志爲官吾亦草玄緣三錢不用江南買五色何須夢  
裏傳醉後封書山海濶杏花疎雨坐迢然

奉別峴山使君滄洲黃公

最彥

海內知名黃獻納春風把酒竹西樓桃花錦浪同舟



興何似滄洲向日遊

用大胤韻寄卓異山人安叔華

錫儻

騎牛出谷故人多傲骨  
峻嶒髮半華不必桃源深處  
覓滄江自有舊漁簑

與真珠伯徐公

魯修

及閔大胤至會江亭

水邨梅雨歇山縣麥風微  
白舫長相待紅樽不放歸  
洞煙縈石髮浦柳拂人衣  
似我疎心性欄前宿鷺飛

其二

清流環翠壁高柳夕陽微  
小艇穿花入孤琴待月歸  
雨情深擁幔江氣冷侵衣  
明日鏡湖路閒雲君與飛



讀漢紀有感

勦業貽謨在正名劉家此道不曾明  
鼎彝未肯尊三老綿蕝何由致二生

李生顯章自陟州來訪旋復告歸

醉下西樓十二欄江城六月褐衣寒  
唐衢痛哭山河窄蘇軾詼諧宇宙寬  
海月蒼茫如有約水花漂轉不成團  
未應奇氣偏窮相聊把長髯仔細看

其二

此月之盈忽已虧故人滄海別離時  
荷香欲綻仙舟繫蟬語微涼客路遲  
醉興重尋花墅酌窮愁不上竹



樓詩狂歌濶步無常有旨失蘇翁赤壁期

敬呈丹室

雪屋冰簾表裏清只教梅影近前橫不妨錯比玄經  
宅可是兼高拙宦名水墅孤燈甘寂寞山陰一棹泝  
空明却從畎畝尋真樂堯舜君民付後生

其二

韋杜門庭特地清書籤筆架自縱橫蒹葭處士詩言  
志齊魯賢人史失名甓寺濃陰雲木合龍門遠勢夕  
陽明如今俊及皆窮老何況江州一禰生

酒泉臺會諸生用梅月堂韻



湖上青峰煙雨斜  
灤西村落半漁家  
藍輿仄仄垂藤葛  
籜笠團團點草沙  
洞裏濃陰皆水木  
石間清馥已秋花  
龜臺尚着高人迹  
東國江山別有華

竹西樓與閔大胤用三淵韻

西風颯然至  
虛檻遂聲危  
忽遇悲秋客  
相將結夏詩  
水煙松翠淨  
山雨稻花遲  
俛仰千年事  
空洲鶴立時

泛舟用三淵韻

朱樓翠壁勢同浮  
宛在中流一片舟  
放溜方知秋水盛  
尋源不覺夕陽幽  
故人西塞浮家去  
孺子東湖下榻留  
若有神仙煙霧裏  
洞門開處更回頭



其二

峽容將近夕江氣自生風井落迴時異漁樵涉處同  
水霞多設色山菊欲成叢不用相扶起空壺枕月中

縣齋用三淵韻

水城三日雨蛙蟹雜村家白舫樵風急青簑草露賒  
試毫沾柿葉開印澀苔花浩蕩滄洲趣歸期證菊華

其二

雨深菰葦浦官柳逗蟬鳴草繞庭心靜霞生石氣清  
客懷琴亦忘秋意鳥先征一隔蒼茫外湖山別繫情

和卓異山人韻



問訊興江老緣何酷愛山深蔽熊虎迹高揭雪氷顏  
獨酌千峰迥躬耕十畝閒蔚然眉睫際容我一窺斑  
寄卓異山人

卓異深深夕照時飄然一褐下山遲騎牛老子身方  
隱玩世長源跡太奇獨立不愁東土窄幽吟應待後  
人知西風悵望南村會老圃寒香別有期

真珠官齋用明人韻

溪雨蕭疎泛沆寥竹樓吟嘯倚清朝寒蟬一蛻畱全  
殼高柳相扶浸半腰湖有鱸魚還送翰客同仙鶴正  
歸遼西風白露淒淒下數朶幽花尚自驕



孟方歸路望海用杜韻

赤日烘鱗屋玄雲挾蜃樓空中仙佛眩物外地天浮  
未駭無邊浪還憐不繫舟悄然收壯觀松下又清流

陟州旅舍同李和叔用杜韻

疎籬引江色星露樹間明客以詩書重官因水石清  
漁燈移遠渚更鼓動寒城悵望西洲路歸雲裊裊生

用李頎韻

隔水人煙少村獐吠遠峰疎星來耿耿清露墮重重  
夜色迷汀柳寒聲度壑松花庄遙寄語春酒幾時濃

官齋用唐韻贈徐漢之

有升



秋風吹遠水朝旭照疎林別去無多日提携盡此心  
謝屐青山迥萊衣白露深伯氏平安否因君更寄音

其二

曲欄連小閣梅竹覆簷低藥裊藏仍密花階繞轉迷  
輕颺斜泛壑空翠細通溪有此焚香地牛刀豈問雞

限韻

清秋笳角自生悲徙倚湖亭薄暮時九郡陰晴朝夕  
異二陵風雨古今疑寒魚欲下溪成柵叢竹相扶  
岸接籬也識茲遊當入蜀吾詩不及劒南奇

舟中用唐韻



秋水明如練秋陽艷似花孤舟橫野渡疎柳出人家  
菊蕊娟娟淨蜻絲帖帖斜夕灘漁網動移席就圓沙

觀打魚

輕橈密網競相求寒水鱗鱗接海頭鱸鮓敢誇深處  
匿草沙俱入淺邊收飛騰忽失風波勢爛漫無爲鼎  
俎羞兩岸蘆花明似畫使君今在五湖舟

凌波臺用明人韻

立立精神敵素秋似無根蒂出空浮瓊瑤破碎鮫應  
涕劒戟森寒鬼亦愁萬里波濤圍坐席一方風籟瀉  
虛舟使吾倘逐神仙去千載歸來獨此州



羽溪浦村次三淵韻

入夜聲偏厲，頽沙急浪翻。  
砵訇萬鼓合，清寂一琴論。  
落木聊欹枕，繁星獨掩門。  
依依不成夢，松菊渺山園。

疊和卓異山人

南山一頃負秋時，斗酒田家拊缶遲。  
當世志深姑自放，晚年詩化便無奇。  
祇教後世多稱述，不恨今人少見知。  
虎豹深山難與處，歸來無失桂花期。

其二

官醪強醉菊花時，勾漏丹砂歲月遲。  
盡室未成龐老隱，草玄誰問子雲奇。  
世方見棄寧先棄，人或相知勝



自知悵望山阿三秀晏桑榆吾已紫陽期

敬寄丹室

避世名逾盛爲官道不違尚看清議勝重歎善人稀  
菊引溪邊酌松連岳下扉願收湖海氣畱助廟堂威  
和卓異七篇逐篇和意

歲暮窮山風雨時紙窓燈火五更遲唐虞世遠將安  
倣曹檜詩成謾自竒卓爾不羣惟大雅超然無累是  
真知任教寂寞人間世猶有襄陽數老期

其二

萬國同悲正此時河清消息百年遲緬人縱敗猶先



倡遼野方虛合用奇宋老風聲東海在 寧陵志事

上天知篝燈獨閱精忠錄痛飲黃龍或有期

精忠錄才刊布

其三

道學文章此一時暮年歸宿不爲遲楚狂太果非余  
取鬼谷無名信彼奇標榜正從衰世出襟懷卹得古  
人知只須簡約遵繩尺無負吾師遠大期

其四

丹翁本意在需時何事功名到老遲祇爲行藏無所  
滯却教流輩未之奇大易獨從蟾岸問清詩惟許雪  
橋知眼前得失那須憾羸取芳馨百世期



其五

犁然一笑記春時  
蔓草相逢不厭遲  
意愜豈愁千里  
隔神交正賴片言奇  
青牛背上抽新訣  
黃石橋頭有別知  
愧我今無恢拓地  
已孤林下昔年期

其六

東湖秋日送人時  
征馬依依別意遲  
楓菊凋零韋帶冷  
海山悠寂角巾奇  
自從雪老深中隱  
兼得丹翁分外知  
落葉柴門消息到  
天涯重結百花期

丹翁書末  
問尹景實

有誠姓名而  
有愛好之意

其七



達人憂樂不因時來日偏多去日遲  
漆吏道機游處穩淵明詩意自然奇  
湖山興劇寒梅老天地心回顧果知  
祇恨山陰違雪棹蟾溪兼負丈人期

真珠官舍呈常窩李丈

敏輔

梅花一路白驢閒來趁西林夕鳥還  
可使無詩松桂裏不妨爲客海雲間  
老君書在焚香處蘇子舟橫過鶴灣  
戶外數峰偏似畫丈人元自愛青山

又用三淵韻

落木疎星散遠天征鴻嘶度水南煙  
松篁韻合觀魚檻妻子緣輕載鶴船  
閒處語多侵忌諱醉中詩或犯



神仙一溪風珮分餘響簷角丁東雪瀑懸

敬和遲齋先生韻

悵望蟾洲萬木寒幽人貞吉碩人寬天涯久負梅花約  
雪裏空懷秫酒歡舊學違心悲歲暮新書在篋畏人看  
葩經六義公懸解刪後無詩不復歎

又和真珠丈人

奇絕郵筒一破閒竹樓消息伴春還吏情澹蕩陶韋後  
詩道縱橫白陸間雪霽雲霞生遠島月明鷗鴈舞前灣  
亦知梅鶴猶身累領取孤琴入海山

吉祀後赴原州和葉下權公著

微贈行韻



峽路迢迢引我心春風常在小山林  
差池舊學慚携笈慨廓餘哀泫予琴  
水社漁樵逢客問柴門杖几隔年  
尋橫江別有幽人想煙雨東邊萬  
木深

其二

少日偏輕萬里游居然雙鬢已驚秋  
落花啼鳥渾如夢流水高山半是愁  
散吏行裝風滿袖故人消息月橫舟  
猶堪振發衰遲興題遍關東二十州

和題柯山李汝朝

崇老

雙楓軒

種德如栽樹先公以是遺庭除畱舊澤  
雨露長新枝赤葉秋光住清陰夏景移  
共餘攀柏淚三復採蘭詩



睡罷

睡罷風窻一欠伸  
羲皇邈矣我何人  
覓腸自足憂時念  
蘿製真稱結夏身  
靜夜雨聲如夢寐  
炎天月色少精神  
祇須招返南村友  
松瀑前頭對岸巾

吏道歎

民情樂安逸治道貴清淨  
上者倘不擾下者自無競  
此道本易知今人枉爲政  
徒弊我心力反長彼疾病  
猾隸幸生事疲民眩承命  
嗟嗟詎復陳庸人各自聖  
與其遇庸吏不如遇酷吏  
酷吏豈不畏猶勝猾隸恣

偶書



浮緣逸想盡消除  
頽卧山阿一弊廬  
澗谷微涼聊飲犢  
道書新味自忘魚  
數峰入戶清無敵  
孤鶴摩霄氣有餘  
說與時人能識否  
元來吾事不關渠

雨中與公著拈韻

注葉山前水木深  
君來對作輞川吟  
蟬蟲並響爭秋氣  
蘭菊殊芳一雨心  
老去寸陰當尺璧  
愁來一睡抵千金  
阿朝亦是風流伴  
明日溪東並轡尋

敬次梅磎李公

世杭

分屬韻

白驢東出雨中山  
雲亦隨君澹澹還  
傲骨寧煩長短議  
浮華難犯老蒼顏  
松蘿一院秋先到  
鳥獸千峰路



不艱更喜仙翁廻緩轡南溪風月正相關

右屬葉下

其二

華山西畔澗東涯隣社詩樽一士多幽草黃鸝通野  
徑古松流水繞田家好對癯容呈秀氣較看蒼石帶  
奇花遙知巷北青牛轡去繫鳴蟬雨後柯

右屬柯社

入城滯雨不出巷雨止卽返和梅丈葉下屬意  
之作

如病如癡祇是閒偶因遊戲出人間冥濛雨色連窮  
巷淅瀝秋聲溯遠灣涉否惟應須我友是非初不到  
吾山清風北牖還高枕歸去來辭亦懶看



洪奉朝賀

重孝挽

丹丘東畔峙松篁  
文獻家中世德長  
疏傳行休清士  
倡子陵成就  
聖朝光委紳  
滿帶煙霞氣  
稼穡還全  
燮理方七十年來安樂趣  
浩然歸盡水雲鄉

其二

勇退元因立脚牢  
丘園從古老英豪  
雲霄歧路瞻鴻  
翼詩禮門庭貯鳳毛  
偉器自昇金掌月  
韶顏長醉武  
陵桃懸車不待宣  
麻後終始東山一卧高

其三

東州歸路幾登門  
花氣薰人植杖原  
里社空嗟君子



青坡集 卷一  
老村童不識相公尊  
苔蹊月引仙禽步  
溪榭春深秣酒痕  
白傅風流邨復覩  
生芻惟挹典刑存

寄元子才

槐柳深藏負郭閭  
故人元氏此爲居  
閑情世或推元亮  
內行吾惟敬子魚  
落落晨星空外炯  
淒淒蒹露望中疎  
何由飽喫殘年飯  
看盡平生未了書

還家有吟

驢驂晚繫菊花扉  
郭外青山送客稀  
萬木風霜冥鴈急  
數村煙火夕陽微  
主恩未報身將老  
老師說徒傳道半  
非一曲滄浪猶自在  
臨流更振薜蘿衣



宿奉先寺贈雲坡師

爾學如來佛而余孔子徒相看俱莫逆爲是兩忘吾  
雨過鐘鈴徹山深鳥獸癯十年匡寺約空對懶殘爐  
宿豐壤襟流軒呈主人常窩李公

太極亭前古木疎路人猶式少微閣空山落葉尋行  
跡流水孤村問起居孺子雞綿湖上返謝公雲月竹

西餘仙家一宿追先志話到滄桑淚滿裾

太極亭乃李公曾祖

靜觀齋所居而在襟流軒之左時余弔漢湖而返公亦罷陝州來

梅谷丈與芝溪宋德文

載道

會賦送其韻要和

夕涼參霽色詩自落霞邊見說藍田墅初廻雪澗船



古琴山水宅新月斗牛天邂逅那無分相知已十年

從梅谷丈浣溪徐公

有常

葉下及徐幼文

有章

觀獵三宿乃返和葉下韻

百里寒山颯有聲俊鷹當夕眼偏明並驅猶道衣裘勁  
三宿田家飲食清歲暮敢忘良士戒吾衰試作少年行  
花庄乍醉猶餘興流水橋頭見月生

上元日候永湖公元子才同往拈韻賦呈

載酒江湖去冰壺特地清不愁風凜烈祇愛月分明  
別墅東山近危樓北斗橫虛舟行自泛春水渡頭生

謝楸谷李丈

宗翰

惠酒



乞取東家酒滿卮高樓獨醉夕陽時  
遠眸蕩作江湖勢癰骨頽成木石  
姿楊柳池塘春澹澹杏花村巷雨  
絲絲柴桑不乏風流事步履頻從  
半道期

偶吟

宿麥連畦水蘸堤暖林終日勃鳩啼  
雨花似醉神全蕩春岫如眠氣暫低

元子才暨趙文源

德洵

作金剛之游歷宿樊廬

與入永平觀白鷺洲用李白韻

一溪徑駐海山游爲有奇巖峙半流  
冑許蒼屏分氣勢獨憐黃老闢林丘  
夕陽山氣偏娛客春水桃花不



辨洲自是名區難送別等閒雲鳥亦深愁

黃芝川廷或故居在

鷺洲北步武許

梅谷丈枉宿有屬意之作敬此和呈

夕雲澹澹向簷迴公亦騎牛渡澗來杜曲桑麻三夏  
潤洞陰山水七絃閑雨風育物還如競鶯燕爭時兩  
不猜敬以行窩要信宿靜中憂樂待斟裁

公方觀永平而來

月夜懷東游二子

海山消息渺前緣魚鳥相忘已十年忽爲遊人牽遠  
夢四仙湖外月娟娟

青城集卷之一



青城集目錄卷之二

詩

自警兼示子才

詠躑躅杖

六月十三日夜宿楸谷

筆洞寓舍憶微之用三淵韻

宿柳和仲

煥德

萬山館用唐韻

子才宅遇林伯厚東海後顏面也其喜可知有

詩志之伯厚時趁羨湖祥期來因之入城

聞權公著入臺言事謫楸子島



尹景實

有誠

徒步作海山之遊過宿樊庄用雪

橋

安叔

前韻

漫草

李儀天

文載

與柳原明

星漢

無半面之素先之

以詩余亦用其韻

次權公著謫中寄來韻

二首

翫梅楸谷

和傲窻僑第四吾軒韻

蟾洲謁遲齋先生同傲窻用安叔華韻

四首

敬呈丈席



楊根冰谷宿禹公

鼎德

宅畱呈絕句

蟾江歸路志懷

漫吟

鄉中重設詩社屬公著及余主之梅磎丈有詩

見屬謹步其韻

葉下爲看其女病入京未返阻雨迎秋如吾壬

辰事也用其時見屬韻

趁賀詣都下出郭宿清郊柳原明第與白石李

士宗

弘儒

滯雨一日共用少陵韻

呈葉下



用梅字韻敬呈鶴洞李公

慶遇

再疊呈葉下

入洞陰敬呈主令金坯窩

相肅三首

自洞陰返要趁鶴洞小望之會路中用前韻

省掃平山五代祖考監司公墓志感

价川無盡臺

寧邊西將臺和使相樊菴蔡公

濟恭韻

魚川四絕亭

狄踰嶺

二首

長安遷

在江界

用老杜青陽峽韻



謁晦齋書院

滿浦洗劍亭

阿耳鎮

山在理

用老杜鐵堂峽韻

見獵胡次王右丞居延城外獵天驕韻

發昌洲鎮行可十餘里經遷路景物正佳用老

杜五盤韻

馬郎洞丙子虜兵所從路用老杜飛仙閣韻

用睦餘窩幼選

萬中韻

朔州觀農亭用老杜寒峽韻

義州道中次使相朔州韻



蜂峴

在義州

用唐人韻

又和朔州韻

統軍亭

白馬山城用老杜石龕韻

龍川良策館聽流堂用老杜石櫃閣韻

倚劒亭用老杜成都府韻

定州道中

安州百祥樓

清川江用老杜萬丈潭韻

乘舟泝江訪李進士

景華

用張玄真西塞絕句



韻演成五律

返仙樓疊前韻

和白陽川 大成韻

詠項羽

入妙香山

用唐韻

价川道中

鄭戚弟士述

起元

千里來訪經年畱住今方告

歸書贈以瀉縑綵之意

聞洪新恩

仁浩

登第和洪水使

和輔

志喜韻



和洪水使觀農韻

詠劒

和杜詩秋興八首

還家見月

遲齋先生大祥後余始赴哭其墓隧宿點易軒

與傲窻用槎川韻志感

三首

菊隱洪侍郎省吾

檢

宅同睦幼選依杜機韻

嚶嚶齋金公

用謙

朝爽閣八景

呈吳士根丈

聖植

呈洪穉明

彥喆



草洞趙文源宅小會

會子才寓館用崔和仲丈禕韻

屬和仲丈

冬夜甚雨

老木用簡易枯木韻

雲岳寺會梅磻鶴洞雪村丈用甲午夜韻

夜用簡易韻

敬和雪村丈入山韻

疊催字韻

敬和梅磻丈韻題霞城權仲玉璫巖棲軒



葉西

葉下一號

歸後鶴洞丈用甲午卜夜韻屬詠

鎮日會槐巖書贈巖樓主人

葉西求遞不獲復往海邑用軸中韻贐之

奉送菊隱侍郎以副价赴燕二首

槐巖睟席敬和梅丈韻

夜用杜韻

和崔和仲丈韻

會李丈

命甲

權仲玉宋德文李汝朝李景說

學

曾

於雲岳禪房三日而返李子馨

德熙

以

光陵令安明仁

光宅

自楊州來會



浣溪夜會用前韻志懷

雪後訪槐巖復用雲寺韻

漫筆用前韻

從梅鶴二丈槐巖芝溪葉西諸公入東村宿俞

君

震綱

家翌日訪李瑞汝

明奎

騎牛吟

和葉西韻

槐巖小會

奉和梅丈寄示社中韻

五首

依鶴洞韻寄曲江行軒



偕梅磻鶴洞楸谷丈芝溪楓軒入奉先寺柳景

文煥李徽之亦自京來會五日乃返

依芝溪韻題楸谷壁

滄洲黃大司諫挽

和一夢居士李像之

奎象韻

題鄭石癡

詰祚

畫鹿

舟橋子才寓館會趙文源紫崖洪令士範

九瑞

共賦

洗劒亭月夜次金吏義恒韻

二首

摘文院印役訖監董諸臣並蒙表裏之賜賤



臣亦與焉不勝感激之私謹書一律志之

和子才

題養虛金平仲

在行

杭士酬唱帖用清陰韻

雪村丈挽

五首

簡朱溪翁羅子晦

烈

寄霞石宋新之

日休

羈懷

題石癡畫鹿後

芝溪作海西之遊爲書一律送之

酬柳和仲



和李士脩

興運

送李士鎮

崇運

之官陰城

送子才將女泝江東返

傲窻東返後有懷

夜與李子和

銓

拈唐韻

送洪穉明還春川用其南麓會中韻

和子才韻

敬題

內賜曆後仍用前韻

送金判官

再郁

之官濟州

夜與子和用杜韻



曉枕

聞穉明將返春峽悵然書寄

寄子才

用杜工部醉爲馬墮韻慰元子才落馬

庭杏爛熟簡朱溪

再用杜韻簡玄川

疊前韻詠省中怪石

之官興海過鳥嶺

達城梅竹軒與通判太湖洪太和元燮次沙斤

丞炯菴李懋官

德懋

長篇



再疊敬和使相李公

秉模

永嘉臺憶東槎舊遊

三疊沙丞長韻贈金子容

得厚



青城集卷之二

昌山成大中士執 著

詩

自警兼示子才

有守身長穩無求體自寬若要完氣節先學耐飢寒  
布褐輕堪着藜羹淡可餐平生安樂法畱待後人看

詠躑躅杖

仙家九節手中輕助我山居履屐清石逕頻驚金鐵  
響柴門獨倚水雲情亦知身外無長物猶見人間有  
遠程更喜東園携月去洞簫三弄步虛聲



六月十三日夜宿楸谷

蓑衣牛駕趁朝涼  
草樹陰中一徑明  
沉李浮瓜炎夏會  
殺雞爲黍丈人情  
雨過庭院秋聲早  
月上梧桐夜氣清  
醉面不知風露洒  
漫吟長嘯到三更

筆洞寓舍憶微之用三淵韻

玉立奇峰出半空  
君家偏受北來風  
懶搖羽扇如將鶴  
醉卧松陰似化楓  
雨意閒雲屯岳頂  
秋懷香稻散城東  
郵筒試問仙丞趣  
千里孤琴悵不同

宿柳和仲

煥德

萬山館用唐韻

薜蘿扶屋自成樓  
南麓清涼坐處收  
入夜崖泉偏送



籟滿山星斗已爭秋  
隣雞似夢孤燈炯  
櫪馬無眠古木幽  
背郭仙居猶恨淺  
東岡且有別林丘

子才宅遇林伯厚東海後顏面也其喜可知有  
詩志之伯厚時赴涇湖祥期來因之入城

當時意氣動江湖  
邂逅于今半雪鬚  
荷製自鮮寧待浣  
鶴身長健不妨癯  
龐家妻子能炊黍  
徐孺行裝有束芻  
好是東州偕隱地  
孰爲司馬孰申屠

聞權公著入臺言事謫楸子島

感慨爭臣節多從草野尋  
詎堪廷議酷重被主恩  
深絕海風霜緊嚴程霧露侵  
一般移孝誼遙認泣笞



心

尹景實

有誠

徒步作海山之遊過宿樊庄用雪

橋

安叔  
華號

前韻

短褐蕭然落木時關東一路鶴邊遲  
士經困厄方成器山受風霜始見奇  
苦行應參巖釋定癯容要結海仙知  
西歸倘謁安昌老爲報龍門立雪期

漫草

積雪山扉斷外人獨畱殘簡費吟呻  
東園出世真高士下惠無官便逸民  
煖屋惇獐均飽逸凍天星斗最精神  
鶴衣扶得清羸骨西社梅花又一春



李儀天

文載

與柳原明

星漢

無半面之素先之

以詩余亦用其韻

問訊三餘榻跌痕着幾分篝燈東郭雪襪被北山雲  
橘少堪爲長騏良孰取羣郵筒猶古道清馥喜相聞

次權公著謫中寄來韻

長沙一轍渺津涯帶淚瓊瑰忽滿懷猶有蘭蓀秋可  
採可堪松竹雪偏埋雨雷消息梅生閣環玦形神月  
到堦定使蛟黿歸約束搏鵬筆勢續齊諧

其二

雨雪山阿慘愴情南溟應亦以風鳴寧教里社遲清



會曾使朝廷少直聲惠飯戀 君須努力湘騷悲世  
豈求名窮年百感爭深夜耿耿虛簷北斗明

翫梅楸谷

幽期宛在水東隣薜荔山阿若有人獨許光英還太  
素始知冰雪蘊陽春不言不笑真无物非色非空是  
化身老去看花花更好只愁詩退負花神

和傲牕僑第四吾軒韻

清寒身計似逃禪一榻蕭然息萬緣僑寓幸占臨水  
榭隱居安用買山錢柳梧吟哢韶光裏樵釣歸來夕  
照邊却怪先生私計侈化家公物取奚專



蟾洲謁遲齋先生同傲牕用安叔華韻

隔年軒屏喜重攀仙髯蒼然只舊斑詎待揚雄生我  
後却憐諸葛出人間江湖有氣先春展雲鳥同心未  
夕還小子直緣明主戀行藏全負鹿門山

再疊

庭前槐杏正堪攀嫩葉繁英次第斑大易幸存三代  
後是家真住萬峰間風流澹蕩初成詠光景畱連自  
忘還莫道安公能避世時人已識沃州山

三疊

薜荔幽棲不可攀豹文藏霧益添斑道因竒迹超方



外詩逐鬼名滿世間彩服扶將春旭往青鞋游戲海  
雲還亦知淺處堪肥遯安得招公早出山

右屬卓異  
安公安公

時奉大夫人赴其伯氏清河  
任所將觀東南山水而還

四疊

杖屨痕餘昔所攀翠屏疎雨石苔斑丹砂消息絃歌  
處冠冕輝光水月間聖代文明方倚重故林猿鶴  
莫催還荆南舊會今星散獨幸吾師在此山

右屬丹  
室閔公

敬呈丈席

吾師但好古易道豈便今後世蒼生福平生赤子心  
柳堤微雨歇江閣暖雲深有弟兼知己移家近杏陰



楊根冰谷宿禹公

鼎德

宅畱呈絕句

屏山故宅是南村  
煙雨空軒記醉痕  
乞取公書書我誅  
落花明月與招魂

蟾江歸路志懷

蟾洲夜雨漲離觴  
客子還家未敢忙  
春帆捲來三峽勢  
早霞蒸出百花香  
江湖品格前遊慣  
師友心期後世長  
歧路却生兒女感  
講壇回首足斜陽

漫吟

杖屨悠然趁野芳  
澗磎幽草夕陰長  
樹深自貯清涼意  
花老方聞郁烈香  
邂逅田翁諮雨旱  
招呼社友展



碁觴後人記我平生事山北山南第一狂

鄉中重設詩社屬公著及余主之梅磎丈有詩  
見屬謹步其韻

菁莪早識善鄉功吾黨成材揔此中桑海如今雙鬢  
短社園依舊百花紅兩家詩禮猶前軌一郡絃歌自  
古風退筆敢當深坐席靈光獨仰澗西翁

葉下爲看其女病入京未返阻雨迎秋如吾壬  
辰事也用其時見屬韻

洛園雲樹有餘閒葱麥清供亦此間萬木涼蟬霖雨  
後一蹊幽草夕陽灣西江月色應畱客東郭秋光已



到山始擬南華思放筆文今成矣與誰看

赴賀詣都下出郭宿清郊柳原明第與白石李

士宗弘儒滯雨一日共用少陵韻

一驢聊赴宿禽迴田火村燈點點閑老樹當門霜氣  
聳濁醪畱客雨聲來莓苔古徑尋山寺鷗鷺空洲問  
釣臺醉後自添衰世感上游秋色轉悽哀

時聞安公  
錫微之計

### 呈葉下

獨樹孤煙野望同彼姝者子澗之東汝南月朝卿慚  
長汾上文華勃繼通老大彌憐蔥竹契棲遲謾說逸  
休風如君八達窮如此正坐平生苦諱窮



用梅字韻敬呈鶴洞李公

慶遇

潯陽雅會隔溪催半道吾惟設此杯烏帽帶星松下  
俟皓裘如鶴月邊來巖阿破屋全經在天地窮陰大  
樂迴更喜仙庄消息好幽期須趁七分梅

再疊呈葉下

翛然巾服去何催賴有餘薰在淺杯鳥獸千山人獨  
卧松篁一徑雪初來已知士氣窮時養猶見天心剥  
後迴且可優游終此歲嶠南雲月澗東梅

入洞陰敬呈主令金垓窩

相肅

丹砂消息桂松林自古仙官說洞陰朗月清風玄度



想高山流水子期心疎梅帶雪生虎室倦鶴將雲住  
遠岑此是遲翁談易地紙窗依舊篆煙深

其二

皓雪連天月掛林中宵一氣破玄陰官居自占神僊  
界夫子初無爵祿心皎皎冰壺圍短燭泠泠風珮響  
幽岑幅巾會遂分山約輞水淪漣少室深

其三

獨鶴飄然返夕林官僮掃盡半庭陰朱絃寡和憐遺  
響玉貌無求見古心峽雪崢嶸松偃壑洞天昭曠月  
橫岑此間自有談玄趣燕坐凝香一榻深



自洞陰返要赴鶴洞小望之會路中用前韻

古峽蒼涼歲色催東家獨有迂春杯故人適向青雲  
去長者應隨紫氣來雪後園林乘月到洞陰山水聽  
琴迴社筵將作庚申會龜鶴遐齡更祝梅

小望卽鶴洞孤辰而

梅鶴二丈同庚故未句云然

省掃平山五代祖考監司公墓志感

甘棠惠化洽西民先祖當年活萬人可道雲仍承積  
蔭幸看章綬照新春滄桑餘淚丘原夕豺獬微誠雨  
露晨但守傳家清白訓庶幾無負九重仁

价川無盡臺



僻壤還憐特地開此亭虛擲沮東隈臺如攢笏排空  
出江似響弓背壁迴鏤笛憑欄龍恍惚鸚杯移艇月  
徘徊春深漲送桃花水肯遣漁郎不再來

寧邊西將臺和使相樊菴蔡公

濟恭韻

關門一路夕陽開西北風雲萬里迴壁壘臨崖精彩  
聳山河滿地畫圖來振衣鶴立金沙界倚劒苔侵鐵  
柱臺曠觀還令生感慨朗吟聊盡祝融杯

### 魚川四絕亭

妙香西角起郵亭拄笏晴峰護遠垌擁壁川光凝積  
素倚簷松影泛空清明粧淺壓看花顰駿馬閒眠浴



鷺汀此路好從棠下憇名區亦自使人停

狄踰嶺

連峰絕壑失東西遞眼奇巖近却迷澗谷三春猶見  
雪杉松一嶺劣通蹊羊腸坂外王靈遠箭括門前  
朔氣低從古壯遊多涉險夕陽長嘯下天梯

其二

抽成峻壁噴成湍回護重關氣勢盤袖筆早期臨塞  
遠肩輿還覺下山難晴峰變彩迎戎轅嫩蘂流香送  
客鞍詎道防胡無上策七州形便細心看

長安遷

在江界

用老杜青陽峽韻



飛磴跨狄嶺北勢轉獷惡峽口雪氷嚴峰腰星斗錯  
猛起却欲崩飛奔忽如削截然遽中坳迅流自天落  
豈數潼關險還恐劒閣弱一線蔽萬甲高步睨朔漠  
餘氣走東南天半峙香岳前臨鴨江感右顧薛嶺薄  
但傾奮末威腥氛可清廓天設故有待卽事徒寂寞

謁晦齋書院

激切權公疏蒼黃白老行先生終此謫燕寢早吞聲  
國瘁摧樑痛經傳殉道誠昏衢瞻末照祠屋儼長檠

先生居謫時鐵燈  
檠尚留院宇中

滿浦洗劒亭



洗劒亭高倚晚晴孤城一片白雲橫華夷地勢爭衣  
帶關塞春光擁旆旌日落遙山逾慘愴江空初月絕  
分明錦筵紅燭看嬌舞邊柝尋常報太平

阿耳鎮

在理山

用老杜鐵堂峽韻

阿鎮最奇險三面勢斗絕沿江不設堞壁立似鑄鐵  
挺特高穹逼衝激大荒裂亭譙剝雲霧煙火抱冰雪  
東岸出飛樓清賞亦可悅肩輿撫輕綠石棧垂百折  
塞雨倏開合胡山互生滅驅車兩岸側花氣烘人熱  
見獵胡次王右丞居延城外獵天驕韻

燕山獵勢入春驕隔岸平蕪漲夜燒怒馬凌波輕避



虎快獒橫塞疾禁鵬婆豬水迥朝東沃豆木城高瞰  
北遼見說蒙酋猶退舍未應胡運遞苻姚

發昌洲鎮行可十餘里經遷路景物正佳用老

杜五盤韻

峻嶺奔江蹙迴磴却紆餘緣崖草樹暗旗纛落花疎  
野曠多飲鹿灘暖或上魚山川轉明媚雜種豈長居  
遽然捲入關讓我幅員舒荒忽六部夷爲我自驅除  
隔河見胡山旣脫但空墟何用玉帛使谿壑枉填廬  
馬郎洞丙子虜兵所從路用老杜飛仙閣韻

太阿一倒柄中國細於毫鮮人首被兵關隘亦未牢



狡胡猝乘機勢決鴨江濤颯沓戎馬跡草木尚悲號  
應河有遺恨斷碑臨江高至今出塞士悲歌拭孟勞  
何由塞此徑永防北元逃吾儕幸安樂可以戒後曹

用睦餘窩幼選

萬中

韻

蒼然狄嶺脉西赴統軍亭界破胡山黑吞廻渤海青  
崢嶸紛上薄蟠鬱忽中停只見長蛇勢迤成壁壘形

朔州觀農亭用老杜寒峽韻

橫塘附欹堞轉水出林端草樹春先暖軒牕夏亦寒  
緣渠錯田疇耒耜競耦單日灸耕牛背田水舞成瀾  
辛勤百日功怡悅十口餐官家倚涼看詎識夏畦難



義州道中次使相朔州韻

約束戎裝待曉吹  
塞聲先帶獵書馳  
三江日盪蛟龍  
劍七郡雲迴鳥隼旗  
抵掌談兵甘濶略  
騰身上馬悵  
衰遲壯遊差強平  
生意南北關防表裏知

蜂峴

在義州

用唐人韻

蔥蔥煙霧辨龍城  
始許郵籤了塞程  
忠愍遺祠春草  
合皇華古渡夕陽生  
山河固國關門壯  
樓閣浮空檠  
戟明可識邊州風  
教洽市南歌筑摠和聲

又和朔州韻

塞門煙樹送寒吹  
笳角蒼涼控海馳  
帳下佳娥能跋



馬軍中壯士競抽旗寧嫌鴨水從戎遠却恨燕山校  
獵遲密勿平時操鍊法古人惟以獮蒐知

統軍亭

水犀虛擁鴨江舟獨許名樓鎮上游  
畫角橫吹西海氣牙旗遙抵北風頭  
歲周箕尾興恢運雨滌隋唐戰  
伐愁向晚饒歌翻廣樂剩教魚鼈舞安流

白馬山城用老杜石龕韻

層峰護危堞猛氣壓遼西  
浩劫英雄恨殘春鳥獸啼  
落日臨大荒西海白雲迷  
峒嶢鎮北門天半出穹霓  
遐觀費長慮飛步躡空梯  
堂堂築城將名與此山齊



山河峙雄略全燕俯可携遺像獨凜然蕉荔走凡黎

龍川良策館聽流堂用老杜石櫃閣韻

方塘盪朝旭水木半蒼赤晴霞冒輕漪綠蘿被危石  
正東峙儼觀丹青漾虛壁收將半畝景慰此千里客  
妓牋助佳賞池花駐倦跡政爾歌瑟緩何遽僕御迫  
撓撓簡書勞久已別山澤豈乏壯麗觀閑曠性所適

倚劒亭用老杜成都府韻

飛欄竦長劒琬甲照紅裳森然水陸會雄鎮峙朔方  
誰將佳麗景賁此弓馬鄉綠樹圍庭密青山繞郭長  
西牖海氣入落照泛蒼蒼主人娛上賓中堂迭鼓簧



跋涉爭日月紆迴問津梁忽憶國殤哀車桂事渺茫

宣川人死於胡亂者極多而車氏桂氏最烈

冰霜凜生髮河岳耿前光豈

獨金將軍令人涕淚傷

定州道中

馬蹄芳草轉旗脚似流星野放蒼茫勢山闊縕藉形  
柳陰村店潔花外午食馨方知幽朔氣不度統軍亭

安州百祥樓

朱欄徙倚白雲浮滿地羣山潏不收渡口夕陽連朔  
氣戰場春草入邊愁關門未閉和戎路旗鼓初窮出  
塞遊錦繡煙花三百里前驅應到沮江樓



清川江用老杜萬丈潭韻

戰地多雲水風氣接塞晦誰教左海域終止鴨江內  
千古隋家恨猿鶴漲空靄只仗乙支雄寧關薩水大  
蒼茫置陳墟古木慘相對聖代訐謨密粉雉映寒  
瀕如何丁卯燹遽入烈炎碎尚賴南元帥壯節峙關  
外清江流不息斜日駐遠旆戎謀上水功兵食費急  
瀕廻護襟帶勢激聳將士輩時以清川疏鑿費財甚多默數干戈  
際功績此江最遼陽一失手沮南路無礙請看綰轂  
利商舶但湊會

乘舟泝江訪李進士

景華

用張玄真西塞絕句



韻演成五律

碧峰隨水轉輕靄帶船飛  
草長蹊牛懶林深野繭肥  
爲穿松竹徑初試芰荷衣  
未盡仙樓飲蓬窗載與歸  
返仙樓疊前韻

捨艇身猶蕩臨樓勢欲飛  
斷橋晴靄接欹石翠藤肥  
鶴守眠時軸花縈醉後衣  
滁亭魚鳥樂遊客與忘歸

和白陽川

大成

韻

官庭槐柳影交加  
鴈驚行疎早放衙  
只喜眠殘隨澗鹿  
敢言培植到林花  
南溪野艇春潮急  
西塞漁簑暮雨斜  
醉後欲尋山簡趣  
習池煙樹隔江賒



詠項羽

不忍捨虞姬安能殺沛公區區范亞父但見叱咤雄  
淮陰差識人目以女子仁君看忽必烈宮娥配斷輪

入妙香山

森然萬木見秋晴梵宇穹崇夜有聲大壑涼生星斗  
净高峰潦捲瀑流輕四溟衣鉢禪燈炯五嶽神祇佛  
畫明海內奇遊纔過半衆香雲月更牽情

用唐韻

水煙和雨泛春城山色蒼涼近夕晴老樹將花含嫩  
意凍泉方坼有新聲風塵作吏偏凋髮關塞逢人別



繫情萬事乘除從可驗有時孤笑看雲生

价川道中

平沙衰草夕陰繁點點疎煙水上村落日漁樵爭渡  
急半秋耕穫滿郊喧層巖洗剝流寒氣禿柳離披戴  
漲痕駐馬獨吟元亮賦却疑輕策向田園

鄭戚弟士述

起元

千里來訪經年畱住今方告

歸書贈以瀉纒綬之意

外家恩義重先訓我曾諳世德宗崧院鄉居近石潭  
雅緣千里近情話兩兒參勗爾平生志無令白首慚

聞洪新恩

仁浩

登第和洪水使

和輔

志喜韻



蟾宮消息伴新鶯遠報天門第七名大雅文章方日就少年材器若天成國華初占風雲慶家學優傳黼黻聲半道逢迎欣有便待君萊服出春明

和洪水使觀農韻

郭煙山靄漲崇朝溪水淙淙響板橋萬耒爭時深破塊衆根齊氣上衝苗麥黃村饁香新餌蠶老郊桑濯遠條太守今兼田畯役好將耕鑿答神堯

詠劍

寶劍鉞初發遊人鬢已蒼風埃蔽氣魄曉夜奏光芒拂拭清江迥提携紫塞長輕裝與駿骨回首少年場



和杜詩秋興八首

官居幽絕逼禪林  
白壁峰巒繞屋森  
五嶺荆榛連雨色  
數州煙火進秋陰  
蕙蘭同洒梧山淚  
雲鳥先知栗里心  
已識絺衣宜早返  
幾年關外聽霜砧

其二

明河案戶火星斜  
庭葉參差漲露華  
虎豹山深思遠轍  
蒹葭水濶問孤槎  
鄉愁暗入馮生鋏  
塞籟微傳蔡女笳  
報道家中新酒熟  
肯教歸袂負黃花

其三

郭煙搖綠媚晴暉  
秋氣蒼涼入樹微  
蟋蟀通宵如有



訴蜻蜓掠雨不勝飛長源服食身無累表聖歸休計  
未違解說鄉園生事足山梨初熟野葑肥

其四

江邊亭燧錯如碁戰地荒涼草樹悲詎待英喬勞遠  
戍幸看耘耒樂清時陂河柵步先聲逼廢郡蓼葦上  
策遲弱國自甘衣帶限古人開拓費深思

其五

官樓東接妙香山積翠橫蟠五郡間檀木神靈通上  
帝靜師旒鉢重西關絳雲出谷流仙氣明月窺峰湧  
佛顏不待輕身凌絕頂遐心已入美門班



其六

神仙樓閣沸江頭昔我登臨倚早秋故國山川芳草歇  
高臺雲木夕陽愁官樽住客搖深燭野艇隨羣溯遠鷗  
第使丹鉛還舊鼎不妨餘戀在杭州

其七

山西習俗尚戎功裘馬爭雄塞草中射虎獨穿陰壑雪  
調鷹遙覘大荒風深河古道秋雲黑檜島殘墟夜燐紅  
不是開邊精銳少將材難得始興翁

其八

尚書井畔草蹊迤流水潺湲瀉半陂雨意多生騰鯉



匯秋聲偏在帖蟬枝日斜林翮喧相送風定磯絲靜  
不移等是關河羈戍恨故人華髮對垂垂

還家見月

薜蘿疎雨洗中秋河漢漫空皓月流偶自韜光陰靄  
裏忽然高步衆星頭霜花滿地光相眩露葉連山境  
更幽倘使羈蹤猶塞外詎堪今夜望鄉愁

遲齋先生大祥後余始赴哭其墓隧宿點易軒  
與傲窻用槎川韻志感

搖落山阿雨雪時先生几杖聞疎籬少微故宅星霜  
變大雅餘人髣髴奇永夜壺觴誰是主殘年涕淚強



爲詩篝燈翳翳村雞動明發孤懷坐可知

其二

有道衣冠閔圖書僂室堂遠途雞絮潔空谷雪風涼  
酒重孤愁減燈殘百感長豈無蟾上別今夕寂難忘

其三

絳幔畱前軌深衣待舊堂庶幾魂夢遇俱是涕洟涼  
雪擁山村小天連峽路長通家猶古道世世莫相忘

菊隱洪侍郎省吾檢宅同睦幼選依杜機韻

西城烟樹夕陰重羸馬緣溪宿鳥從有酒甯孤梅鶴  
社無官等是薜蘿蹤友朋聯座燈侵曉巾舄催歸雪



滿峰五柳對門須自愛試看庭柏傲寒容

嚶嚶齋金公

用謙

朝爽閣八景

卓立千尋勢橫添一抹奇輕盈故自媚蒼峻更相宜

右北岳晴嵐

屋角流寒翠朝暉帶遠臯超然憑几意秋岫與爭高

右西山爽氣

獨爲雲觀逸飫看洛陽花杖屨畱春煦杯觴浸夕霞

右雲臺看花

夜氣清如水天街不見塵迢然乘興去明月獨隨人

右天街步月



植杖松蘿逕幽泉韻自清不知城市近真覺帶衣輕

右隱菴臨流

樹老文忠廟秋深太古亭試看霜葉耀清節在頽齡

右古亭賞楓

枕藉圖書裏山簷日正長鳥窺生白室花覆草玄床

右清晝散帙

泠泠琴語永夜靜北山陰以此空寥境還他太始音

右靜夜理琴

呈吳士根丈

聖植

把酒開碁慰所思公今老矣幾新知成虧有命何須



問聚散無端忽復期小蹇強爲身外物漫吟贏得鬢  
邊絲愧吾尚被塵纓累晚就東臯試筆司

呈洪穉明

彥喆

長安曉雨洗輕塵綠樹蒼苔擁四隣塵尾如經名釋  
座烏紗回憶少年身城東白酒能畱客江上青峰正  
待人視子交游知子意元公衰病趙公貧

### 草洞趙文源宅小會

骯髒南昌老徒成飲者名草亭無剩物山署有餘清  
坐久欣新契杯深駐遠情悠悠塵世裏鬢髮幾莖明

會子才寓館用崔和仲丈

稍韻



此日須酣飲良辰詎驟來  
霜飈輕犯帽秋菊穩稱杯  
宦跡孤雲住鄉愁旅鴈催  
白駒庭際食應許帶星廻

時趙文源騎白馬來  
最後起故末句云

屬和仲丈

夫子眉間氣如從世外來  
蕭疎東郭宅真率故人杯  
鶴立江山迴鴻飛日月催  
門臨車馬路倘見二疏廻

冬夜甚雨

孟冬雲霧匝天行山雨蒼茫盡  
夜傾老鴈暫停千里  
翻寒雞猶送五更聲  
輕凝似雪平郊炯點結如星  
遠樹明直怕陽和傷  
早泄明年膏潤乏生成



老木用簡易枯木韻

風霜刻厲節彌堅不惜沉光到九泉異馥凝枝鸞已宿  
奇音藏腹火能傳也堪蓄氣炎涼外猶自傾身日月  
邊山裏天年還獨飽肯從輪梓怨長捐

雲岳寺會梅磻鶴洞雪村丈用甲午夜韻

虎溪消息雪中催僧爲淵明特置杯襪被三宵山月  
在長松一徑羽衣來覓泉氣活穿冰湧簷鴿緣深聽  
磬迴自是我家風趣足明朝歸訪七分梅

鶴筆而來故  
首聯云然

余宿寺三  
宵李丈被

敬和雪村丈入山韻



書坊集卷二  
蒼苔細路抵禪宮樹杪斜陽倒射紅病子衣裘雲住  
處老僧經唄月明中潯陽幸入三賢社商嶺欣從四  
皓風獨念故人千里外海山琴鶴與誰同

疊催字韻

空山落葉履聲催夕氣蒼然侑煖杯釋子借人寬世  
界先生許我早歸來風巖寂歷鐘相應雪木參差鳥  
獨迴驢背倦吟隣短髻向時題遍澗東梅

敬和梅磎丈韻題霞城權仲玉瑤巖棲軒

幽棲攬盡葉山霞老樹原邊夕照遐一壑認君傳世  
物孤煙知我對門家春暉長住庭前草道氣頻迴巷



外車從此吾隣添勝會韋村元自滿園花

葉西

葉下  
一號

歸後鶴洞丈用甲午卜夜韻屬詠

海天飛舄雨中催歸趁山間避暑杯槐巷近添宗秀  
隱草蹊重迓社羣來棊閑石面無成毀泉帶琴聲有  
往廻試看髣髴凋數箇幾年愁對嶺南梅

鎮日會槐巖書贈巖棲主人

山人衣帶潔水木有餘清掃石延明府開棊待友生  
蓬蒿三徑晚煙雨數峰晴隔澗騎牛子相過百遍輕  
葉西求遞不獲復往海邑用軸中韻贐之

寒蟬老鴈訴將離送子兼之節物衰此去勉終循吏



轍歸來早赴耦耕期郡人傾倒重迎路海國蒼茫獨  
往時故是情深言自罕莫嫌曾少贈行詩

奉送菊隱侍郎以副价赴燕

鴨水西流無盡期皇華故道草離離幸因外國宗周  
禮猶使遺民覲漢儀鵬背黑雲垂韎韞馬前殘月泛  
令支朝廷近日紆長策多屬行入採訪時

其二

薊門西北草沙昏從古征人欲斷魂碣石寒虹衝遠  
塞長城落照滿中原燕丹浪死猶生氣山海雄蟠但  
刼痕往事惟憑遼鶴問昭王柱下試停轅



槐巖醉席敬和梅丈韻

杖几韶光漲紫霞  
藐姑冰雪豈曾遐  
坐看塵世翻千劫  
歸視槐陰滿一家  
綺皓松芝供服食  
柴桑雲鳥導巾車  
弧筵貴在收成節  
壽以寒畦保晚花

夜用杜韻

古木風霜厲寒山  
遞薄陰以茲遲暮景  
添我歛藏心  
野濶繁星眩村疎  
落葉深閒門容久病  
蟲鳥與長吟

和崔和仲丈韻

頽然巾服是公初  
水落清颼灑滿裾  
白首惟持觀世訣  
緇塵不到草玄廬  
莓苔陋巷斜陽住  
琴瑟柴門衆



籟虛隔嶺煙霞堪對隱東山吾已火銀魚

崔丈舊居水落山下

會李丈

命甲

權仲玉宋德文李汝朝李景說

學

曾於雲岳禪房三日而返李子馨

德熙

以光

陵令安明仁

光宅

自楊州來會

一壺剛制萬峰寒方丈三宵秫酒殘  
碁響似從仙境落燈花偏向少年團  
故人學奧排眠話才子詩清置  
食看珍重雪溪乘興者春來能復訪香山

浣溪夜會用前韻志懷

杖几柴門拭涕寒洞天流水曙星殘  
風流邈矣餘人少燈火淒然舊社團  
明月侑杯魂夢接素冠虛席典



刑看但令此誼傳來世無愧楊州一片山

徐公葬楊州山內

雪後訪槐巖復用雲寺韻

退士家臨澗石寒洞門冰雪屐痕殘孤雲隱約遊心  
迴萬木幽森聚氣團黍熟不嫌從外入棊闌正好在  
傍看可知桃李成蹊易曾只樵童所到山

漫筆用前韻

丹砂晚晚髻絲寒舊業衡岑愧懶殘草樹精華登案  
艷雲雷氣像繞床團餘年只合杯中送萬事無如局  
外看巨嶽洪溟觀已遍性靈聊付小溪山

從梅鶴二丈槐巖芝溪葉西諸公入東村宿俞



君震綱家翌日訪李瑞汝明奎

蒼藤古木徑微分遊袂遙穿鳥獸羣草際開碁峰翠  
合松陰對酒雨聲聞延陵舊帖藏林壑揔管傍孫廝

壠雲多愧虞期曾屢誤一宵蒟飯更煩君瑞汝即五峰傍孫而

五峰彰賜亭帖謄本在其家俞亦忠穆之傍孫前冬會獵之期俞家屢爲我設具而雨雪沮之故今則不得不自往罷

騎牛吟

不是騎牛好平生喜緩驅空郊煙雨裏春夢半江湖

和葉西韻

怪松頑石揔怡顏每到君家輒忘還野酌均排三伏



飲社筵團合半分山銅章閉篋官緣淡布襪穿林佛  
界閒可復田園勞遠別五年離恨海雲間

槐巖小會

玉局山人巾屨同松間耦坐似仙翁層巖氣潤長疑  
雨老樹陰濃自起風濁酒醺生峰翠外枯棊韻入水  
聲中殘年飽喫須相勉禾稼西疇又報豐

奉和梅丈寄示社中韻

絕交篇裏見同心魚鳥清泠水木森早識芝君遊世  
罕近憐槐老入山深

其二



煙霞顏面社中高湖海風流局外豪  
內史飛觴畱暇日西山爽氣到晴朝

其三

意氣相求不待呼隔溪遙辨故人駒  
松間一局饒新趣袖手旁觀寂若無

其四

昭文成毀不曾分愛子孤琴有斷紋  
持向小山深處弄桂花松子落紛紛

其五

每仰香山白傅賢休官詎必待衰年  
一杯斷送平生



事憂樂行藏是適然

依鶴洞韻寄曲江行軒

蒼蒹白露向人遙復送淵明去折腰雨色迷茫連海  
嶠鴈聲嘹唳泛空寥簿書期短無長暇松桂林深有  
反招耐是東山分袂後九秋清月照香醪

偕梅磻鶴洞楸谷丈芝溪楓軒入奉先寺柳景

文

煥

李徽之亦自京來會五日乃返

蒼苔落葉擁禪扉雪後空林一逕微幸有高人兼濟  
勝遂令觀者亦忘歸樓虛缺月無端到澗寂頽雲自  
在飛出山猶是來時興巾舄依依度夕暉



依芝溪韻題楸谷壁

小塢含幽象高軒歛遠聲貯來先祖蔭分與後承鳴  
對酒琴碁潤披書卉木清吾家敦舊誼巾舄造門輕

滄洲黃大司諫挽

滄浪一曲繞柴荆想見吾公獨立情進退詎忘寒士  
分平生不負諫臣名襜帷南渡拏山重檠戟西臨鴨  
水清最是同人瞻仰意餘香猶襲鬼門程

和一夢居士李像之

奎象韻

未信心肝萬里通試看星月一天同廿年山海相思  
夢除是人間兩禿翁



題鄭石癡

詰祚

畫鹿

蒼然逸鹿可爲羣  
細雨青莎漲夕曛  
我欲騎渠城外去  
衆香寒翠島潭雲

舟橋子才寓館會趙文源紫崖洪令士範

九瑞

共賦

閑雲扶送不羈身  
俱自山巔與水濱  
酒重萬緣渾似夢  
興牽千里便同隣  
石田微雨收新麥  
流水空橋見故人  
五馬歸來無斗屋  
世間誰愛趙公貧

洗劒亭月夜次金吏義恒韻

洗劒亭前石逕危  
二更風露攝衣遲  
空山靜夜無人



見朗月清泉特自奇

其二

老石頽然卧飛湍爾自喧柳塘雲浸影蘿逕月移痕  
衆籟扶禪磬疎星點戟門那將今夜爽一破萬方昏  
摘文院印役訖監董諸臣並蒙表裏之 賜賤  
臣亦與焉不勝感激之私謹書一律志之

綠綈 榮貺九天來紅帕珍封特地開豈意匪頒均  
內閣亦知讐校忝羣才 主恩愧乏絲毫報朝製偏  
霑雨露裁秘省光華從此始渾身携滿異香廻

和子才



老人筋力壯衣帶躡雲來特立龍門屐高張鳳岸杯  
起居禽鹿並茶餌雪霜催每憶南村夕提携待月迴

子才書誇步陟龍門絕頂仍至鳳凰臺故云

題養虛金平仲在行杭士酬唱帖用清陰韻

客有懷詩逐使旌神州文物醉中經平生海外頭空  
白數子燕南眼忽青獨許高名畱雪爪可論遐契比  
晨星西湖梅柳今何似惟遣心魂入杳冥

雪村丈挽

三策旋兼尺疏陳聖君初賞大經綸一州詎足全  
才試猶見顏流勇退身



其二

十畝閒閒杖履春  
荷衣遙隔漢城塵  
襄陽耆舊宜同傳  
栗里琴樽幸並鄰

其三

紫陌清晨雨洗塵  
見公歸袂出東閨  
依依不覺停驂望  
如送都門畫裏人

其四

薜荔山阿偃蹇身  
浩然歸盡太平辰  
寢門三號猶傷俗  
夫子元非怛化人

其五



先君交契白頭新  
九老風流及後人  
從此吾鄉模楷減  
晚生那識汝南巾

簡朱溪翁羅子晦

烈

歛君湖海氣  
徒步市塵間  
屏跡公卿座  
側身鵷鷺班  
霞裳朴澗去  
雪棹廣陵還  
安用拂衣返  
終南亦華山

寄霞石宋新之

日休

賴有同城二子豪  
長安風雪一樽高  
阮林交契憐青眼  
潘省年華惜皓毛  
數夜睽違猶恨隔  
百迴還徃肩嫌勞  
西山爽氣隨人在  
從古遐情屬馬曹

羈懷



歲色如羈旅羈人奈歲何  
官庭屯鳥雀苑木動星河  
短晷繙經細殘更引酒多  
婆娑未能去霰雨集松蘿

題石癡畫鹿後

昔醉石癡宅黃子實前導  
石癡初見我驩然似宿好  
中堂開筆硯凝塵始自掃  
一觴徑跌宕片語已傾倒  
酒酣視余笑左手展霜縞  
仙麋觸毫生蹄耳奪天造  
獨眠青草坡烟雨潤香旄  
半脊丹砂痕疑自老君竈  
奇珍落我懷狂喜倒頂帽  
意欲騎之去山巔及水澳  
吾詩亦已榮華軸媿清號  
坐客方傳玩樽酒正相勞  
傍驚醉李顛指爪任殘暴  
珠玉碎誰補及醒謾悵懊



方知丹青妙亦被鬼神媚  
巧君完此寶重煩解衣傲  
答云且小須容我逸興到  
朱絃忽中斷炯眼爲誰冒  
江山盡空缺少驛詎足道  
猶堪粉繪間竦身見高蹈  
冰霜季君涕絲竹李公悼  
獨立金門側燈火隔總幃  
李生可同賞明日尺書報

石癡仲氏適作西行聞計而迴余於李公壽鳳宅聽

絲竹粹聞石癡凶報

### 芝溪作海西之遊爲書一律送之

強駐高人駕深垂畫閣幃  
翫梅碁局煖調鶴海雲飛  
外氏恩情重西州飲食肥  
尚應歸去早清寂掩山扉

海伯卽芝溪外弟



酬柳和仲

早知天放屬吾曹  
湖海山林並自豪  
市隱惟應觀世  
迴宦遊還是閑門高  
陽冰舊法登毫活  
劉向殘編遞  
眼勞夜靜西樓風露合  
想君欹枕聽松濤

和李士脩

興運

寒宵悄相憶  
星宿漲南厓  
獨酌梅生牖  
端居雪擁齋  
地兼虛籟曠  
人並遠山佳  
空見歲華盡  
羈愁誰與排

送李士鎮

崇運

之官陰城

五馬乘春去江南  
一縣花荒年心更苦拙  
宦髮先皤  
帶雨頻行畝  
侵星獨坐衙  
政成公牒靜  
應復對松哦



送子才將女泝江東返

谷口茅茨小江干鴻鴈多孤舟將骨肉數夜宿煙波  
征邁憐同志棲遑悵獨哦依依來歲約娣老待重過  
傲窻東返後有懷

西風吹短髮落葉滿歸舟家住上游遠門當古驛幽  
雨霜連絕峽鴻鴈下空洲惻惻衰年別孤懷正暮秋

夜與李子和

鉉

拈唐韻

霜月徘徊到半庭爽輝先着酒人醒孤燈自照聯床  
讀衆籟齊歸隱几聽梅萼方生偏窈窕菊花雖悴冑  
飄零角巾久負同車約悵望雲山郭外青



送洪穉明還春川用其南麓會中韻

長安微霰送人還  
貊國蒼涼萬木間  
雙舄胡爲青海  
郡一丘元是紫芝山  
魚龍寂莫孤舟迴  
燈火青熒老  
屋閒早許江湖通  
性氣夢中相對雪  
冰顏

穉明以前  
任北青事

坐革職去春之  
麒麟面產紫芝

和子才韻

短髮蕭疎入夢長  
曉天星月互爭光  
醉過城市衣冠  
偉飢卧雲山卉木  
香外史方儲劉向  
閣後人應識鄭  
公鄉龍門杖舄超  
塵外直爲親朋憶  
洛陽

敬題 內賜曆後仍用前韻



秘省初承雨露長  
芸書萬軸藉恩光  
貺同內閣丹泥重  
頒送新年翠莢香  
瑤牒許編讐校列  
錦袍容詫竹葱鄉  
此身報答知何所  
惟有葵心獨向陽

送金判官

再郁

之官濟州

關西豪傑雪盈頭  
宦跡棲棲四十秋  
滄海滿前還一笑  
片帆春到列仙州

夜與子和用杜韻

夜雪侵寒燭  
春星動遠枝  
閑庭苔色見  
宿客履聲知  
海嶽論心迥  
鬚毛對影奇  
少時瓜葛好  
垂老可相離

曉枕



風露重重墮苑松  
老人無睡數晨鍾  
祇應岳寺知更鶴  
三十年來笑我慵

聞穉明將返春峽悵然書寄

柿葉團團杏子肥  
小樓遲日擁芳菲  
柳橋南畔空回首  
惆悵孤雲水上歸

寄子才

紫陌泥塵擁馬多  
憶君閑步小山阿  
階庭雨歇滋紅蘚  
籬落春深長碧蘿  
樵子暝歸黃犢徑  
釣船朝泛白鷗波  
祇緣婚嫁猶關念  
城市書來許更過

用杜工部醉爲馬墮韻慰元子才落馬



退士耻作下山客  
皤髯當夏似銛戟  
直緣親懿苦相招  
衣簑西出月溪石  
飲殮久斷煙火腴  
癯脰方鶴長幾尺  
城南數子殊可意  
莫學彌明睡倚壁  
訪友獨來芸香館  
强策羸騾度塵陌  
但信平途少艱畏  
詎虞躄蹄易注射  
翻身落地意還足  
我生初豈有瑕玉  
早知清福頗逾分  
未害泥塗暫受辱  
愧君狼狽寔由我  
問醫求酒語更促  
朋儔傾倒足忘病  
樹石清陰坐更僕  
尚哀硬骨遽摧仆  
兩奴夾持返巷曲  
沈郎摩背供几梧  
李甥扶腰代杖竹  
浮生蹉跎亦一時  
只愁衰容怯深醪  
不如送作老牛隱  
餘力山田尚可戮



庭杏爛熟簡朱溪

丹杏離離壓遠柯  
隔林聊待故人過  
此間別貯山陰帖  
青李來禽趣更多

再用杜韻簡玄川

在山爲主在世客  
強學曩倩老執戟  
未愁全家落風塵  
且喜將身比木石  
秘書省裏三載居  
只消疎髯雪半尺  
居常校讐書擁榻  
醉或揮染草滿壁  
屋隅花木進清陰  
門外車塵隔長陌  
漫興到筆謝雕飾  
奇字藏函慣覆射  
老夫契活如是足  
自詫雙頰似紅玉  
故人委訪信風流  
小驢輕跌豈羞辱  
但愁隣巷阻顏色  
起



居徒煩尺書促念子初出絕峽時亦自控騾仗短僕  
豈意平地反蹈厄坐招醫藥卧城曲俛思歸路渺如  
天飛去那得葛陂竹衰年漸知出門咎第須潛居醉  
山醪一蹶真作終身戒庶幾南容免刑戮

疊前韻詠省中怪石

石丈對峙如揖客頭角峭於植門戟令渠蟠在碧海  
底不過頽然一頑石倏忽移入巧匠手刻畫紋稜就  
繩尺波濤盪滴出太湖雷雨盤旋自靈壁雲根充入  
日南貢蜃樓徑開洛東陌帶星含露到秋壑犀珠磊  
落色相射卓立庭際意態足煙雪縈軀澄似玉冰山



一消秘書聚石亦因時判榮辱想見頑仙閱世期來  
日居多徃日促眉復潦倒塵埃裏擡去扛來任庸僕  
綠蘚被頂泉浸趾嘉木相扶苑墻曲精英欲吐九莖  
芝氣勢要叅萬丈竹也知公物豈長有姑與酬酢盡  
樽醪君不見平泉愛石亦一累清致還貽後輩戮

之官興海過鳥嶺

廉纖峽雨灑人輕不惜衣霑惜酒醒穿盡鳥途千萬  
疊海山如笑馬前青

達城梅竹軒與通判太湖洪太和

元燮

次沙斤

丞炯菴李懋官

德懋長篇



一官驅遣路直午老大愁聽嶺南語弊衫硬帶束病  
軀行李低頓仗徒圍煌煌鳥喙導余驂忽到巡家按  
節處芸香猶宿紫薇陰秘書纔來檢書去直北星辰  
照衣裾魂夢相隨入紫籞半刺娛客風流足冰簟  
華堂詩酒所金爐爇盡龍涎香蠟炬三更列姣女官  
軒寂寂布琴碁訟庭清清退雀鼠燕鴻相失信堪恨  
猶有同人托心膂并載風塵兩華髮醉來狂興孰能  
禦少畱要觀南國風爲是文苑揀翹楚頗哀老子婆  
娑意巾舄依依入孤嶼蓬萊咫尺記前路遲暮霓旌  
也再舉達城煙雨住人多梅鶴風清逐殘暑棠帷送



賤亦盛事醉墨淋漓倣虞褚蟲蠹性癖苦難除到處  
讐校却自許海山禽魚疇伴侶朱墨鹽米太齟齬試  
看虛舟橫野渡行止由天我何與別後山河更渺然  
箕斗相望一水渚長安槐柳隔暮雲故園松菊屬秋  
序脩鯨噴浪蜃沫青我獨胡爲瘴海溲團扇題詩表  
相憶惆悵西風襲輕紵

再疊敬和使相李公

秉模

戟門梧柳日卓午簷鐸泠泠靜相語海鷗回翅供玩  
狎天騏垂轡就豢圉緩帶輕裘故自在疑是東山宴  
坐處峴首風流更娛人遊子遲回却忘去憶昔從公



摘文院時公緋玉趨 禁籞宋史盈篋許同校書局

芴開草玄所青藜正須致太乙彤管何煩證靜女諸  
公競升在田龍下士惟甘飲河鼠敢擬文章叅筆削  
徒以讐對効心膂忽瞻卿月耀筍班雲霄展步誰敢  
禦暫屈檐帷鎮東瀛旋下旌節賁南楚按察新羅千  
乘墟彈壓雕題萬里嶼七十州郡趨約束春雨秋霜  
百廢舉適我分符爲屬吏滕閣聽命值盛暑澄清樓  
館貯冰壺異書珍毫蔚滿褚大家詩禮正自持小技  
蟲篆謬見許強策衰軀廁華宴還怪冠裳不齟齬酒  
泉太守達城尹少小追隨慣相與幸又逢迎兩懽然



幽草孤花錦溪渚連宵綺燭照華髮醉後詩樽亂無  
序雨散雲離遽迢遞茫然坐我曲江渚湖山千里但  
廻首悵望華筵奏白紵

永嘉臺憶東槎舊遊

永嘉臺下水連天尚記長風送六船二十年間存沒  
感白頭來倚夕陽邊

三疊沙丞長韻贈金子容

得厚

金子生長國之午北學中州便齊語燁然光焰照南  
鄙有若鴻荒判兆圉蒼崖詞伯盛稱君唐宋之間識  
君處惜君枉解世間書京國風塵或來去鴈塔題名




亦偶爾布衣誰携入 宸籙皓首聊作諸俠客忽余  
遇之梅竹所孤雲去後一千年曩有青泉今有女直  
是冤氛衝牛斗徒然勁牙敵鼯鼠俊材寥落甘草莽  
毛錐安用竭心膂嶽碣抹掇亦一時後來聲名有孰  
禦延陵禮樂獨觀魯屈原辭賦特張楚春風桃李達  
城府秋水蒹葭洛江嶼酒重華筵曙鼓動爭把荷袂  
惜遠舉倏忽扁舟凌汗漫瀟洒一褐送寒暑閑雲獨  
鶴競導騃襍被軍持劣充褚子雲玄經竟誰傳退之  
窮鬼適自許江南名輩眼中多到處風議豈齟齬鄭  
公眼孔空一世獨於臞仙極推與我亦持琴迺待君




海山蒼茫曲江渚竹屋青燈夜向晨梅花初迓一陽  
序東京老尹又宿好樽酒招君鳳凰漱願子遨遊數  
郡間白雪新詞遍綺紵











城

青

一



